


## per persunas d'instrucziun, mainascolas e cussegls da scola



## Part generala

### Mobilitad digitala – barat durant la pandemia da COVID-19

In barat da classa en in auter territori da lingua sa lascha organisar actualmain mo cun difficultads. Il barat tranter las regiuns en grischun sa lascha organisar da moda digitala. La furma d'in barat digital è ina schanza per approffundar ed applitgar las experientschas fatgas durant l'instrucziun sin distanza durant questa primavaira.

Sin la pagina da Movetia sa chattan unitads d'instrucziun per il stgalim da scola primara e secundara I sco era ina glista da tools e programs. Plinavant porscha Movetia webinars gratuits per approffundar las conuschentschas digitalas.

Avis: per barats digitala na paja il chantun naginas contribuiziuns.

[Movetia – barat da lingua](#)

[Chattar ina classa da partenari](#)



### BEST – Teater Grischun

Il "BEST BÜNDNER SCHULTHEATER" va en la tschintgavla runda. La porschida ha sco finamira che vegnia giugà teater en tut las regiuns e cun tut las classas. En l'onn 2021 ha lieu il FESTIVAL BEST dals 12 en fin als 16 avrigl a Claustra. La porschida sa drizza a gruppas da project e classas a partir da la 5avla classa. Pedagogas e pedagogs professionals da teater elavureschan durant tschintg fin diesch dis cun tut las gruppas in toc da teater individual. Las scolaras ed ils scolars san sa participar activamain vi da las decisziuns e sun involvids gia durant il process da svilup. Las provas han lieu en scola e sco culminaziun vegn preschentà il teater als auters participants dal FESTIVAL BEST.

### Contact/annunzia

Petra Fischer  
Dramaturgie Junges Theater / Vermittlung  
079 279 74 59

[petra.fischer@theaterchur.ch](mailto:petra.fischer@theaterchur.ch)

### Exposiziun preistorgia

L'exposiziun didactica preistorgia è sunter la renovaziun dal museum dal 1818 danovamain averta cun in nov concept, er durant la pandemia da Covid. La finamira centrala da l'exposiziun è da trasmetter experientschas, sentir, chapir, emprendre ad enconuscher, stimar e proteger. Engrazia als blers objects sa avra in access tut spezial sin l'istorgia tempriva e preistorica. Ils uffants e las magistras san s'approffundar era senza gronda preparaziun en l'istorgia. In'experientscha unica è garantida. Detagls sa chattan en il document agiunt.

### Glacier Experience

L'exposiziun interactiva a Puntraschigna mussa las consequenzas dal midament da clima. La "Virtual Reality Glacier Experience" porscha a classas in viadi virtual enturn in gla-tscher da Morteratsch ed è unica sin tut il mund. In screen holografic demonstrescha ils effects tut tenor il scenari da midament dal clima. Per approffundar il tema stat a disposiziun in local da seminari. Ils scenari da clima sa basan sin calculaziuns fundadas da l'universitad da Friburg. Per l'elavuraziun da las datas ed il design è responsabla la Scola auta turtigaisa dals arts.

La visita da VR Glacier Experience en la staziun da val da la Diavolezza è gratuita e sa lascha cumbinar fitg bain cun ina

spassegiada fin tar la lieunga dal glatscher da Morteratsch, in eveniment da muntogna sin la Diavolezza, ina spassegiada guidada sin il Vadret Pers ed il Vadret da Morteratsch u tar ils mulins da glatscher da Cavaglia.

[Glacier Experience](#)



## Cumpetenzas da basa digitalas

Ina nova purschida online da la scola auta da pedagogia Turitg sustegna a studentas e magistras tar l'acquistar ed approfondar autonom cumpetenzas da basa digitalas. La purschida cumpiglia otg spartas da cumpetenzas sco p.ex. l'elavuraziun da texts, video u aspects legals.

[Introducziun in cumpetenzas digitalas](#)



## Copyrights – copiar fair

L'iniziativa «Fair kopieren und nutzen» explitgescha cun simplas reglas il diever da la proprietad intellectuala. Ina nova pagina d'internet respunda sin dumondas dal copiar, arcunar e dar vinavant cuntregns d'emprender. Là sa chattan era materials per campagnas da scleriment u per la sensibilisaziun en scola. Il feagl da survista e las FAQ sun fitg gidaivels.

[Pagina d'internet "copiar fair"](#)



## chili – trenament da conflicts

"chili" è in purschida da la Crusch Cotschna Svizra per elavurar conflicts. Ils participants exerciteschan en trenaments il diever constructiv e preventiv cun conflicts. "chili" vegn manà da persunas spezialisadas cumpetentas cun in grond savair ed ina grond'experientscha da schliaziun da conflicts. Ils trenaments vegnan adattads a la vegliadetgna, il potenzial ed ils basegns dals participants.

[Trenament da conflict "chili"](#)



## Dis digitalas tscherna da mastergn

Quest onn n'han il di naziunal da l'avegnir e la mustra Fiutscher per causa da la pandemia da Covid e las prescripziuns dal USP deplorablament betg pudì vegnir manads tras. La firma yousty ha in collavuraziun cun quatter purschiders da plazzas d'emprendissadi ord la regiun fundà ils dis da tscherna da mastergn grischuns. En il center stat in programm complementar attractiv d'ina ura e mez per la tscherna da mastergn.

[Infurmaziun ed annunzia](#)



# Part regionala

## Termins

### Giudicament d'admissiun 2021

Decisiun d'assegnaziun provisorica:	22 schaner 2021
Decisiun d'assegnaziun definitiva:	14 avrigl 2021
Examen d'assegnaziun:	25 / 26 mai 2021

No giavischain explicitamain a tut las magistras ed als magisters da classa da betg organisar occurrenzas da scola durant quest duas dis.

### Sditga occurrenzas d'infurmaziun

Causa la situaziun extraordinaria duain nus deplorablament annullar las occurrenzas d'infurmaziun per mainascolas e cussegls da scola.

Nus giavischain a tuts in bel temp d'advent e bellas vacanzas da Nadal.

*Team d'inspecturat Plessur-Grischun central*

*Christina Nigg (mainadistrict), Jachen Andri Buchli, Philipp Hugentobler, Daniela Zanelli ed Elisabeth Caluori (secretariat)*

